

ՇԱՎԱՐՇ ԱԶԱՏՅԱՆ*

գիտաշխատող

ՀՀ ԳԱԱ պատմության ինստիտուտ

shavarsh.azatyan@gmail.com

ՀԻՉՏԲՈՒՋԻՏԻ ՎԿԱՅԱԲԱՆՈՒԹՅԱՆ ՊԱՏՄԱԿԱՆՈՒԹՅՈՒՆԸ

*Բանալի բառեր՝ Սրբախոսություն, Սասանյան Իրան, Մարզպանական
Հայաստան, համարկար, զրադաշտականություն, օտարազգի սրբեր, Դվին:*

Ներածություն

Սրբախոսությունը եղել է վաղմիջնադարյան հայ գրականության կարևոր ոլորտներից մեկը և մեծ դեր է խաղացել քրիստոնեության տարածման և ամրապնդման գործում: Ունենալով գաղափարական ու դավանաբանական ուղղվածություն, ինչպես նաև շարունակելով անտիկ շրջանի գրական ավանդույթները¹՝ սրբախոսական երկերը պարունակել են պատմագիտական տեղեկություններ, որոնք վերաբերել են տվյալ ժամանակաշրջանի քաղաքական, հասարակական, տնտեսական, մշակութային, կրոնական կյանքին²:

Ի տարբերություն Արևմտյան Եվրոպայում լատիներենով ստեղծված վկայաբանությունների, որոնք լի էին չափազանցված ու երևակայական դրվագներով³, հայ սրբախոսական երկերը աչքի են ընկնում իրենց պատմականությամբ և տվյալ ժամանակի մասին բազմաբնույթ տեղեկատվությամբ: Հայկական վարքերն ու վկայաբանությունները ստեղծվել են սրբերի մահվանից կարճ ժամանակ անց և, բնականաբար, լիովին կրել են այդ ժամանակաշրջանի կնիքը:

Վաղմիջնադարյան Հայաստանում, հատկապես Սասանյան Իրանի և Արաբական խալիֆայության տիրապետության շրջանում, հայ սրբախոսական գրականության մեջ սկսեցին ի հայտ գալ վկայաբանություններ, որոնք նվիրված էին օտարազգի հավատացյալների՝ գլխավորապես պարսիկների ու

* Հոդվածը ներկայացվել է 03.09.19, գրախոսվել է 15.11.19, ընդունվել է տպագրության 05.12.19:

¹ Биби́ков 1996, 41–42.

² Տեր-Դավթյան 2011, 25:

³ Brown 1982, 19; Staat 2018, 209–224.

Հիզուբուզիտի վկայաբանության պատմականությունը

արաբների (Հիզուբուզիտ, Դավիթ Դվնեցի, Գրիգոր Մանաճիիր Ռաժիկ և այլն), որոնք ոգեշնչելու էին ժամանակակիցներին:

Հաշվի առնելով այն հանգամանքը, որ VI դ. չեն պահպանվել պատմագրական երկեր, Հիզուբուզիտի վկայաբանությունը կարևոր արժեք է ձեռք բերում և կարող է հաղորդել եզակի տեղեկություններ՝ այդ ժամանակաշրջանի հայ-իրանական հարաբերությունների, Սասանյան Իրանի և Մարգապանական Հայաստանի վարչական, հարկային, քաղաքական համակարգերի մասին: Որպես սրբախոսական հուշարձան, վկայաբանությունը առաջնային նշանակություն ունի հայոց եկեղեցու դավանաբանական ուղղվածության, այլադավանների դեմ մղած պայքարի պատմության, ինչպես նաև Սասանյան Իրանի դատաիրավական համակարգն ուսումնասիրելու տեսանկյունից:

Հիզուբուզիտի վկայաբանությունը նվիրված է ազգությամբ պարսիկ, գրադաշտական մոգ Մախոշ-Հիզուբուզիտին: Վերջինս գալով Հայաստան՝ ընդունել էր քրիստոնեություն, ինչի հետևանքով հետագայում մահապատժի էր ենթարկվել: Հիզուբուզիտի վկայաբանությունից հայտնի են նրա ծննդավայրը, ընտանիքը. «Յորում ժամանակի (Խոսրով Անուշիրվանի – **Շ.Ա.**) այր ոմն Մախոշ մոգ՝ ի նորին աշխարհէ, ի գաւառէն, որ կոչի **Բերշապուհ**, ի գեղջէ, որոյ անուն **Քունարաստան**, որոյ **ծնողքն պաշտանեայք էին կրակի**, եւ ինքն ի մանկութենէ մոգութեամբ վարժեալ. եւ էր զաւրաւոր խրապուր եւ գիտութեամբ հրապաշտիցն եւ խորհրդով իմաստուն»⁴:

Այստեղ նշված Բերշապուհ կամ Բեշապուհ⁵ քաղաքը, հավանաբար, Պարսք երկրում գտնվող համանուն գավառի կենտրոնն է եղել⁶:

Հետագայում Մախոշը պարսից բանակատեղիում ականատես է եղել Գրիգորիս անունով վկայի նահատակությանը և համակրանքով լցվել քրիստոնեության նկատմամբ. «Սա ի դիպուածոյ իմեքէ ի բանակս թագաւորին հասանէր, եւ պարտաւէր չարչարանաց սուրբ վկայի ուրումն՝ որում անուն էր Գրիգորիոս: Հրաշացեալ ընդ համարձակութիւն նահապակին, եւ զհաւաքոց բարոք նախանձն նախանձեալ՝ ասէ՝ ի սրտի իւրում. Տէր Աստուած քրիստոնէից, նախեաց յիս եւ ցոյց ինձ ճանապարհ, որով գնացից, եւ բաց ինձ դուռն ողորմութեան ընդ նահապակի քում, զի արժանի եղեց արքայութեան քում, որ Տէրդ ես երկնի եւ երկրի»⁷:

⁴ Ներսէս Ռաժիկ 2004, 461:

⁵ Յովհաննէս Դրասխանակերտցի 2010, 396:

⁶ Давков 2008, 337.

⁷ Ներսէս Ռաժիկ 2004, 461:

Ազատյան Շ.

Այս Գրիգորիս նահատակը Գրիգոր Մանածիիր Ռաժիկն է՝ իրանական նշանավոր Միհրան տոհմից⁸: Վերջինիս նվիրված վկայաբանությունը տվյալներ չի հաղորդել նրա նահատակության վայրի մասին. «*Յայնժամ հրամայեաց մոգպետն մոգուցն հաաարարմաց տանել զսուրբն Գրիգոր ի զատական տեղի մի և սրով սպանանել*»⁹: Հիզտբուզիտի վկայաբանության համաձայն՝ Գրիգորիսը նահատակվել է պարսկական բանակատեղիներից մեկում, որն ընկած է եղել Հիզտբուզիտի ճանապարհին՝ Բերշապուռից դեպի Սյունիք և Դվին: Ինչպես հայտնի է, Սասանյան Իրանի Հյուսիսային քուստակում բանակատեղիները գտնվել են Փայտակարան քաղաքի մոտակայքում և Մուղանի դաշտում¹⁰, ուստի կարող ենք ենթադրել, որ Գրիգորի նահատակությունը տեղի է ունեցել այս երկու վայրերից մեկում:

Հիզտբուզիտը երկար չի մնացել Սյունիքում, բայց հասցրել է այստեղ ծանոթանալ քրիստոնեական որոշ գրքերի և հետո միայն ուղևորվել Դվին. «*Գայր անտի յաշխարհն Սիւնեաց, պարապելով յունկնդրութիւն Գրոց Սրբոց, եւ լեալ անդ սակաւ ամիսս հասանէ ի Հայս. եւ յԱյրարատ գաւառ՝ բնակէր յոստանին հայոց ի Դուին*»¹¹:

Գալով Դվին՝ Հիզտբուզիտը ծառայության է անցել պարսից **մոգերի առաջնորդ** և **համարկար** Խոսրով Պերոզի պալատում. «*բնակէր (Հիզտբուզիտը – Շ.Ա.) յոստանին Հայոց ի Դուին, յարեալ ի մոգս ուրումն Հայոց համակարի, որում անուն էր Խոսրով Պերոզ. եւ արհամարանաւք զմոգութիւնն անցուցանէր*»¹²:

Նախ փորձենք պարզել, թե Հիզտբուզիտն ինչ լիազորություններ է ունեցել համարկարի պալատում: Պետք է նշել, որ զրադաշտական կրոնի սպասավորները Խոսրով Անուշիրվանի կողմից մեծ աջակցություն են ստացել¹³ և նպաստել են պարսից տերության տարածքում նրա դիրքերի ամրապնդմանը¹⁴: Մոգերը անցկացրել են դատավարություններ, զբաղվել են հոգևոր ծառայությամբ, քարոզչությամբ և այլն¹⁵: Նրանց զգալի մասը տաճարական սպասավորներ

⁸ Տեր-Մկրտչյան 1998, 153–165:

⁹ Տեր-Մկրտչյան 1998, 165:

¹⁰ Հարությունյան 1981, 68:

¹¹ Ներսէս Ռաժիկ 2004, 461:

¹² Ներսէս Ռաժիկ 2004, 461:

¹³ Boyce 1979, 133.

¹⁴ Мишин 2014, 110.

¹⁵ Мишин 2014, 108–110.

Հիզուրբուզիտի վկայաբանության պատմականությունը

էին (**խիրբեդներ**), որոնց գործը հիմնականում հոգևոր ծառայությունն էր¹⁶: Ամենայն հավանականությամբ, Մախոշ-Հիզուրբուզիտը նույնպես համալրել է վերջիններիս շարքերը:

Զրադաշտական տոներից մեկի ժամանակ հրդեհ է բռնկվել համարկարի պալատում, որից հետո Մախոշը բացահայտ հրաժարվել է մոգությունից և հայտարարել իր՝ քրիստոնեության հետևորդ լինելու մասին. «*Եւ լինէր ի ծմերային ժամանակի, ի մեհեկանին, ըստ պարսկաց ամսոյ սկիզբն, եւ ըստ սովորութեանն իւրեանց զոհս աղտեղ մաքրուցանէին հրոյն յապարանս համակարին: Եւ երանելին Մախոշ կայր ընդ նոսա յառակի, պնդեալ զբերանն: Եւ բարձրացեալ բոցն ի ճարպոյն, հասանէր ի դարաւանդակ Կանն եւ բորբոքէր: Իսկ մոգուցն ժողովեալ զզոհելն՝ զհուրն փութացան շիջուցանել, եւ ոչ կարացին. Եւ արտաքս ընթացեալ պարմէին զիրսն:*

Ասէ երանելին. Ես ի բազում ժամանակաց հաւատացի քրիստոնէից, եւ խղճիւ մոգ էի, բայց արդ յայտնապէս քարոզեմ զհաւատաս, որ ի Քրիստոս, եւ այլ ոչ եւս սպասատրեցից հրոյ՝ զայդ ամենայն զարմանալիս տեսեալ»¹⁷:

Վերոնշյալ մեջբերումից տեսնում ենք, որ տոնակատարությունը տեղի է ունեցել ծմոհանը՝ մեհեկան ամսի սկզբին: Մեհեկանը¹⁸ հասարակ տարիներին համընկել է փետրվար-մարտ ամիսներին¹⁹: Այս ամսին պարսիկները մեծ շուքով նշել են Միհր աստծուն նվիրված տոնը²⁰ և զոհաբերություններ արել նրա պատվին²¹: Չի բացառվում, որ վկայաբանության մեջ նկարագրվող տոնը նվիրված է եղել հենց այդ աստծուն:

Սասանյան վարչակարգը Հայաստանում ըստ Հիզուրբուզիտի վկայաբանության տվյալների

Վկայաբանությունը հարուստ տեղեկություններ է ավանդում Խոսրով Պերոզ անունով «**Հայոց համա(ր)կար**»²² կոչվող պաշտոնյայի մասին: Տեսնում ենք, որ վերջինս կառավարել է Դվինում և եղել մոգերի գլխավորը: Տվյալներ

¹⁶ **Михайл** 2014, 108–110.

¹⁷ **Ներսէս Ռաժիկ** 2004, 461:

¹⁸ Համաձայն սկզբնաղբյուրների՝ Միհր-Միհրական անունն է կրել զրադաշտական օրացույցի յոթերորդ ամիսը, ինչպես նաև ամսվա տասնվեցերորդ օրը (**Բադալյան** 1970, 151–152, **Boyce** 1979, 71–72):

¹⁹ **Բադալյան** 1970, 98:

²⁰ **Բադալյան** 1970, 98:

²¹ **Boyce** 1979, 34.

²² Վկայաբանության մեջ այս բառը օգտագործվել է «համակար» ձևով, որը ըստ Հ. Աճառյանի սխալ է, և ճիշտ տարբերակն է համարկարը (տե՛ս **Աճառյան** 1977, 23):

Ազատյան Շ.

կան նաև նրա ընտանիքի մասին: Նշվում է, որ Խոսրով Պերոգի կինը նույն-
պես ունեցել է համակրանք դեպի քրիստոնեությունը. «Եւ տեսեալ կնոջ համա-
կարին՝ մեծ գոհութիւն առաքէ սպասաւորաց սքանչելագործ սուրբ խաչին»²³:
Պետք է ենթադրել, որ այս համարկարի պալատը V դ. երկրորդ կեսին Դվինում
շինված կաթողիկոսական պալատն է եղել²⁴, որին կից հետագայում պարսիկ-
ները կառուցել են զրադաշտական գլխավոր ատրուշանը²⁵: Պեղումները ցույց
են տվել, որ այս ապարանքն ու ատրուշանը իսկապես ավերվել են հրդեհի
պատճառով: Չնայած հնագետները կարծում են, որ մեհյանը կառուցվել է Սու-
րեն մարզպանի օրոք՝ մոտ 550–560-ական թթ.²⁶, սակայն վկայաբանության
տվյալներից կարող ենք եզրակացնել, որ այդ կառույցները համարկարին են
պատկանել առավել վաղ՝ VI դ. 40-ական թթ.: Ենթադրում ենք, որ Սուրեն
մարզպանը վերակառուցել է վերոնշյալ շինությունները վկայաբանության մեջ
հիշատակված հրդեհից հետո:

Առավել կարևոր են այն տվյալները, որոնք բնութագրում են **համարկար**
կոչվող պաշտոնը: Համարկարները կարևոր տեղ են զբաղեցրել իրանական
կայսրության վարչական համակարգում: Նախ և առաջ, նրանք տնտեսական
կամ ֆինանսական գործառույթներ իրականացնող պաշտոնյաներ էին²⁷՝ իրա-
վասու կարգավորելու գները, կառավարելու եկամուտներն ու ծախսերը: Նը-
րանք էին իրականացնում հարկերի հավաքումը²⁸: Կարելի է կարծել, որ այս
պաշտոնը հատուկ նշանակություն է ունեցել և շնորհվել է գահին առավել հա-
վատարիմ անձանց:

Սկզբնական շրջանում համարկարները մարզերում համալրել են հազա-
րապետի վարչակազմը²⁹: Բայց հետագայում, ինչպես տեսնում ենք վկայաբա-
նության տվյալներից, նրանց լիազորությունները ավելացել են հենց ի հաշիվ
հազարապետի: Նրանց իշխանությունը տարածվել է նաև հարևան մարզերում:
Այս մասին վկայում են նաև Խոսրով Անուշիրվան արքայի կառավարման շրջա-
նում ստեղծված պաշտոնական կնիքները³⁰:

²³ Ներսէս Ռաժիկ 2004, 461:

²⁴ Քալանթարյան, Ղաֆադարյան 1990, 147:

²⁵ Քալանթարյան, Ղաֆադարյան 1990, 147:

²⁶ Քալանթարյան 1982, 93:

²⁷ Daryaei 2009, 132–133: Хуршудян 2015, 163–174.

²⁸ Периханян 1973, 389–391.

²⁹ Хуршудян 2003, 101.

³⁰ Хуршудян 2003, 226.

Հիզուրուզիտի վկայաբանության պատմականությունը

Դվինի համարկարի դերի մեծացման մասին անուղղակի փաստել է նաև Կիրակոս Գանձակեցին, որը Հիզուրուզիտի նահատակության մասին խոսելիս համարկարին անվանել է «*վերակացու աշխարհիս*»³¹: Ամենայն հավանականությամբ, պատմիչը նման եզրակացության հանգել է հենց վկայաբանության տվյալները վերլուծելու արդյունքում, քանի որ իրենից առաջ եղած պատմագիրները գրեթե չեն կարևորել համարկարի պաշտոնը:

Ըստ վկայաբանության՝ Դվինում հաստատված համարկարը, բացի տնտեսական և ֆինանսական հարցերով զբաղվելուց, ունեցել է նաև հոգևոր գործառույթներ: Հետևաբար Խոսրով արքան, համարկար Խոսրով Պերոզին հանձնելով տնտեսական ու կրոնական պաշտոնները, մեծացրել է նրա լիազորությունների շրջանակը, ինչը բխել է տերությունն առավել կենտրոնաձիգ դարձնելու նպատակադրումից:

Կարող ենք ենթադրել, որ կրոնական ու հարկային գործառույթներ ունեցող համարկարը իրականացրել է հարկային հատուկ քաղաքականություն, որի հիմքում եղել է այլակրոններից ավելի մեծ քանակությամբ հարկերի գանձումը: Ծանր հարկերից ազատվելու համար քրիստոնյաները և այլ կրոնների հետևորդները ստիպված ընդունելու էին զրադաշտականություն, ինչը և ցանկացել է իրականացնել Սասանյան վարչակարգը: Այսպիսով, կարող ենք ասել, որ Խոսրովը կրոնական հարցերում կիրառել է «փափուկ ուժի» քաղաքականություն՝ ցանկանալով ավելացնել կամավոր զրադաշտականություն ընդունողների թիվը:

Հաջորդ պաշտոնյան **Հայոց հազարապետն** է, որի մասին հիշատակվել է հրդեհը հանգցնելու տեսարանում. «*Եւ որ հազարապետն էր Հայոց, իբրեւ լուսաւ զձայն ամբոխին, փութապէս հասանէր ի դուռն եկեղեցոյն, ստիպէր զպաշտանեայսն առնուլ զսուրբ խաչն եւ բերել յապարանսն*»³²:

Խոսրով I-ի օրոք հազարապետը կորցրել էր նախկին դիրքը և իրականացնում էր միայն գինվորական հրամանատարի գործառույթներ³³: Վկայաբանության տվյալներից կարող ենք ենթադրել, որ հազարապետը լոկ հրահանգիչ-գինվորական է: Նրա լիազորությունների մեծ մասը, ամենայն հավանականությամբ, փոխանցվել էր համարկարին: Վկայաբանության մեջ նշվող հազարապետը հայազգի չի եղել, քանզի նրա մասին հիշատակություն չկա նույն ժամանակ հրավիրված Դվինի Բ ժողովի մասնակից հայ նախարարների

³¹ Կիրակոս Գանձակեցի 1961, 41:

³² Ներսէս Ռաժիկ 2004, 461:

³³ Хуршудян 2003, 113.

Ազատյան Շ.

շարքում: Սակայն, չի կարելի բացառել, որ նա քրիստոնեության համակիր է եղել: Այս մասին ակնարկվում է նաև վկայաբայության մեջ. «*զի թերեւս մերժեսցի (հազարապետը – Շ.Ա.) հուրն, որ առ նեղութեանն ակամա հաւաքայր*»³⁴:

Զոհաբերության ժամանակ Հիզուբուզիտի քրիստոնեությունը բացահայտ ընդունելուց հետո նրան հանձնել են «**Հայոց իշխան**» Նիխորականի դատին, որի հորդորներից ու սպառնալիքներից հետո էլ վկան չի վախեցել և անդրդվել է մնացել, ուստի և. «*զայրացեալ իշխանն՝ հրամայեաց հարկանել զերանելին երկուրասան կրկին, եւ գրեալ զհարցումն՝ կապէր զուրս եւ զծեսս եւ տայր ի բանսր*»³⁵:

Հետագայում վկային հարցաքննել և խոշտանգել են Նախապետ ու Քնարիկ անուններով «Հայոց իշխան»-ները. «*Յեւր սակաւ ժամանակի փոխանորդէ զկնի Նիխորականին Նախապետն անուանեալ. եւ նստեալ յարենի ածին զերանելին Մախոշ առաջի նորա:*

Եւ ի լնուլ այլ եւս երից ամացն՝ յաջորդէր զՆախապետն որում Քնարիկն ասէին»³⁶:

Նախ խոսենք վկայաբանության մեջ հիշվող «Հայոց իշխան» եզրույթի մասին: Վերջինիս մասին վկայություն կա դեռևս V դ. կազմված «Գահնամակ»-ում. «*Առաջին իշխանն Հայոց եւ Մաղխազն*»³⁷: Այս պաշտոնը առավելապես ամրապնդվել է V–VI դդ. Հայաստանի բյուզանդական հատվածում, իսկ արաբական արշավանքների շրջանում ձեռք է բերել նաև նոր բովանդակություն՝ ստանալով նաև «պատրիկ» անվանումը³⁸: Սկսած Թեոդորոս Ռշտունուց՝ Հայոց իշխանը արմատապես տարբերվել է բյուզանդական Հայաստանի նույնանուն կառավարիչներից: Ի տարբերություն վերջիններիս, որոնց իշխանությունը սահմանափակ էր, արաբական շրջանի Հայոց իշխանները ունեցել են գործառույթների ավելի լայն շրջանակ³⁹:

Ակնհայտ է, որ վկայաբանության մեջ շփոթ կա և «մարզպան»-ի փոխարեն կիրառվել է «**Հայոց իշխան**» տերմինը: Հավանաբար, նման թյուրիմացություն առաջացել է այն պատճառով, որ վկայաբանությունը խմբագրվել է արաբական տիրապետության շրջանում, երբ նախկին Սասանյան տերության

³⁴ Ներսէս Ռաժիկ 2004, 461:

³⁵ Ներսէս Ռաժիկ 2004, 462:

³⁶ Ներսէս Ռաժիկ 2004, 462:

³⁷ Յակոբեան 2011, 532:

³⁸ Տեր-Ղևոնդյան 2003, 192–194:

³⁹ Տեր-Ղևոնդյան 2003, 193–194:

Հիգտբուզիտի վկայաբանության պատմականությունը

մարգպանի լիազորությունները զգալի չափով փոխանցվել էին «Հայոց իշխան» կոչվող պաշտոնյային⁴⁰:

Վկայաբանության վրացերեն թարգմանության մեջ նույնպես կիրառվել է «[Հայոց] իշխան» տերմինը՝ “*გრობთავი*”,⁴¹: Անվանաձևերի նման զանազանությունը լավագույնս դրսևորվել է Դավիթ Դվնեցու վկայաբանության մեջ, երբ Գրիգոր Մամիկոնյանը միաժամանակ կոչվել է և՛ «իշխան Հայոց», և՛ «պատրիկ», և՛ «մարդպետ կամ մարգպետ»։ «*Եւ եղեւ այս ի ժամանակս Անաստասայ Հայոց կաթողիկոսի և յիշխանութեան մեծանուն Գրիգորի Մամիկոնենի Հայոց պատրիկի*», «...առեալ Գրիգորի **Հայոց [իշխանի]** մատուցանէր առ կաթողիկոսն Անաստաս», «*յինքն հայցեաց Մուշեղ սպարապետն՝ որդի Մամիկոնենի և [մարդ[գ]պետի]* (իմա՝ Գրիգոր Մամիկոնյանի – **Շ.Ա.**)»⁴²:

Հատուկ ուշադրության է արժանի նաև մարգպանների՝ **երեք տարով** պաշտոնավարելու փաստը։ Այս մասին կարևոր տեղեկություն է հաղորդել նաև վրաց սրբախոսությունից հայտնի Եվստաթիոսի վկայաբանությունը, որտեղ նույնպես ակնարկվել է մարգպանների եռամյա կառավարման մասին։ «**երեք տարի հետո**, որպես Քարթլիի մարգպան եկավ Վեժան Բուզմիրը»⁴³։ Երկու վկայաբանությունների տեղեկությունները մեզ որոշ հիմք են տալիս ենթադրելու, որ մարգպանների կառավարման ժամանակը Խոսրով Անուշիրվանի օրոք սահմանվել էր երեք տարի։ Կարող ենք կարծել, որ պարսից արքան նման քաղաքականությամբ ցանկացել է կանխել մարգպանների հզորացումը և տեղերում իշխանության ամրապնդումը։ Ցավոք, վկայաբանությունների այս ուշագրավ տեղեկությունները չեն արձանագրվել պատմագրական երկերում, ուստի ստիպված ենք մնալ ենթադրության ոլորտում։

Պետք է ասել, որ Հիգտբուզիտի վկայաբանությունը բացառիկ հնարավորություն է ընձեռում Նիխորական, Նախապետ, Քնարիկ և Հովհաննես Դրասխանակերտցու հիշատակած Վահրամ Վշնասպ անունով մարգպանի⁴⁴ կառավարման տարեթվերը պարզելու համար։ Այս խնդիրը լուծելու համար կարևոր է Հիգտբուզիտի նահատակության տարեթվի ճշգրտումը։ Մի շարք աղբյուրներ ավանդել են, որ այդ իրադարձությունը տեղի է ունեցել Դվինի Բ ժողովի տարում։

⁴⁰ Տեր-Ղևոնդյան 2003, 26–27: Vacca 2013, 116–118:

⁴¹ ՁԵՄԼԱԾԵ 1944, 117.

⁴² ՁԵՄԼԱԾԵ 1944, 125, 132.

⁴³ ՄԹ. ԵՅՏԱՏԻՏ ԹԱՐԾՅՈՒԼՈՅԱ 2008, 250.

⁴⁴ ՅՈՎՀԱՆՆԷՍ ԴՐԱՏԽԱՆԱԿԵՐՏԵԿԻ 2010, 396:

Ազատյան Շ.

Առավել վաղ ստեղծված “Narratio de rebus Armeniae” (VIII դ.) երկում հստակ նշվել է, որ Դվինի Բ եկեղեցական ժողովը և Հիզուրբուզիտի նահատակությունը տեղի են ունեցել միևնույն տարում⁴⁵:

Վերոնշյալ քաղկեդոնական երկի տվյալները որոշ անճշտություններով կրկնել է վրաց կաթողիկոս պատմագիր Արսեն Սափարացին (IX դ.): Հավանական է՝ վերջինս նույնպես օգտվել է վերոնշյալ հայկական աղբյուրից⁴⁶. «Հրամայեցին երկրորդ մեծ ժողով գումարել նույն Դվինում նույն Ներսեսի [կաթողիկոսության] երկրորդ տարին. Հուսիսինիանոս թագավորի տասնչորսերորդ տարին, Խոսրով պարսից թագավորի երկրորդ տարին, երբ **վկայեց Հիզուրբուզիտը**»⁴⁷:

Հիզուրբուզիտի նահատակությունը և Դվինի Բ ժողովը համաժամանակյա իրադարձություններ է ներկայացրել նաև Ստեփանոս Տարոնեցին (X–XI դդ.). «Սա (Ներսես Բագրևանդացին – Շ.Ա.) ի չորրորդ ամի հայրապետութեան իւրոյ եւ ի տասներորդ ամի իշխանութեան Մեծէժայ արար ժողով ի քաղաքն Դուին: Եւ էին գլխաւորք ժողովոյն Պետրոս եպիսկոպոս քերթող Սիւնեաց եւ Ներշապուհ ի Տարանոյ. Եւ կարգեցին զթուականն Հայոց ի ԺԴ-ն Յուստիանոսի կայսեր, որ զսուրբն Սոփիա շինեաց, եւ ի ԺԴ-ն Խոսրովայ որդւոյ Կաւարայ Պարսից արքայի: Յորում ամի սուրբն Յիզուրբուզիտ կատարեցաւ ի Քրիստոս»⁴⁸: Այս պատմագիրը նույնպես չի հայտնել, թե ինչ երկից է քաղել այս տեղեկությունները:

Մեկ այլ՝ «Գիր մերոյ հարցն որ ի Դուին ժողովեալ յաւուրս Մեծին Ներսիսի Հայոց Մեծաց եւ վասն Քաղկեդոնի» խորագիրը կրող երկում, որի հեղինակն ու գրության ժամանակն անհայտ են, նույնպես հաղորդել է, որ Հիզուրբուզիտը նահատակվել է վերոնշյալ տարում. «Իսկ ի ժամանակս Ներսիսի Հայոց կաթողիկոսի, եւ Պետրոսի Սիւնեաց քերթողի եւ եպիսկոպոսի, եւ այլոց եպիսկոպոսաց Հայոց հրամայեցին ժողով մեծ լինել ի Դւնին: Այս ի չոր(ր)որդ ամի Ներսիսի կաթողիկոսութեան եղել [ի քսան] եւ չորք Խոսրովու արքայի եւ ի տասն եւ չորք Յուստիանոսի կայսեր եւ կատարմանն ի Քրիստոս սուրբն Յիզուրբուզիտը»⁴⁹:

Վերոբերյալ հիշատակությունները, ըստ երևույթին, բխել են միևնույն աղբյուրից, որից կարողացել են օգտվել թե՛ քաղկեդոնական, թե՛ ոչ քաղկեդոնա-

⁴⁵ Բարթիկյան 2002, 104:

⁴⁶ Ակինեան 1910, 289–290: Բարթիկյան 2002, 98:

⁴⁷ Մելիքսեթ-Բեկ 2013, 40:

⁴⁸ Ստեփանոս Տարանեցի 2010, 690–691:

⁴⁹ Անանեան 1957, 113:

Հիզտբուզիտի վկայաբանության պատմականությունը

կան հեղինակները⁵⁰: Կարևոր է այն հանգամանքը, որ բոլոր այս տվյալները հավաստում են, որ Հիզտբուզիտի նահատակությունը տեղի է ունեցել Դվինի Բ ժողովի տարում: Այսինքն, Հիզտբուզիտի նահատակության տարեթիվը ճշտելու համար, վկայաբանության տվյալներից զատ, պետք է իմանալ նաև Դվինի Բ ժողովի տարեթիվը:

Հայոց եկեղեցու համար մեծ կարևորություն ունեցած այս ժողովը քննարկել է տարբեր հարցեր և, ամենայն հավանականությամբ, տևել է 553-555 թթ.⁵¹:

Ըստ վկայաբանության՝ Հիզտբուզիտը նահատակվել է Խոսրով Անուշիրվանի կառավարման 23-րդ տարում. «Եւ այսպէս քաջութեամբ վկայեաց սուրբն Յիզդիբուզիտ ի քսաներորդի երրորդի ամին Խոսրովու թագաւորի, որ ար երկու էր քաղոց ամսոյ, յաւուր կիրակէի յերրորդ ժամո»⁵²: Ըստ տոմարական հաշվարկների⁵³ քաղոց ամսի 2-ը, որը կիրակի է եղել, համապատասխանել է 553 թ. նոյեմբերի 9-ին⁵⁴, ինչը ցույց է տալիս, որ իսկապես Հիզտբուզիտի նահատակությունը տեղի է ունեցել ժողովի տարում: Ամենայն հավանականությամբ, Դվինի Բ ժողովի քննարկումները ծավալվել են 553 թ. նոյեմբերի 9-ից հետո՝ մինչև 555 թ. մարտի 21-ն ընկած ժամանակահատվածում:

Այսպիսով, Հիզտբուզիտի նահատակության թվականը պարզելուց հետո կարող ենք ճշտել նաև վկայաբանության մեջ հիշված մարզպանների կառավարման տարեթվերը: Այսպիսով, 548 թ. Նիխորականը եղել է մարզպան, Նախապետն ու Քնարիկը միասին կառավարել են 6 տարի, իսկ Հիզտբուզիտի նահատակությունը տեղի է ունեցել 553 թ., երբ Հայաստանում մարզպան էր Վահրամը: Այսինքն, 548-553 թթ. ընթացքում կառավարել են պարսիկ չորս մարզպաններ: Եթե նրանցից յուրաքանչյուրը կառավարել է երեք տարի, ապա կստացվի հետևյալ պատկերը. Հիզտբուզիտը ձերբակալվել է Նիխորականի կառավարման վերջին տարում՝ 548 թ., այնուհետև՝ 548-553 թթ.՝ Նախապետ և Քնարիկ մարզպանների օրոք, փակված է եղել Դվինի բանտում: Նահատակությունը, ամենայն հավանականությամբ, տեղի է ունեցել Վահրամ Վշնասպի կառավարման առաջին տարում՝ 553 թ.: Հետևաբար՝ Նիխորականը, Նախապետն ու Քնարիկը միասին կառավարել են մոտ 546-553 թթ.:

⁵⁰ Անանեան 1992, 29:

⁵¹ Անանեան 1991, 87-88:

⁵² Ներսէս Ռաժիկ 2004, 464:

⁵³ Բադալյան 1976, 106-109:

⁵⁴ Անանեան 1991, 87:

Ազատյան Շ.

Սակայն տարակուսանք է առաջանում, թե ինչպես է, որ Դվինի Բ ժողովի նման կարևոր իրադարձությունը արձագանք չի գտել վկայաբանության մեջ, եթե իսկապես տեղի են ունեցել միևնույն տարում: Նման «բացթողումը» կարելի է բացատրել նրանով, որ Հիզտբուզիտի նահատակության ժամանակ ժողովը դեռևս չէր սկսվել, հետևաբար վկայաբանը չի գրել դրանց մասին:

Այնուամենայնիվ, վկայաբանության էջերում կարելի է գտնել անուղղակի տեղեկություններ Դվինի Բ ժողովի մասին: Նման վկայություններից կարելի է համարել, Խոսրով արքայի պատվիրակների ժամանման փաստը Հայաստան. *«Յայնմ ժամանակի լուեալ թագաւորն զբազում բռնութիւն եւ զտառապանս զոր հասուցանէին աշխարհին Հայոց գործակալքն, առաքէր երիս իշխանս հաւաքարիմս այց առնել երկրին, անուն միումն Նապոյ՝ որ կոչի Դրովանդական, եւ երկրորդին Պերոզ, որ էր Ռեոյ գաւառին մոգպետ, եւ երրորդին Խոյապ, որ էր սպասաւոր արքային»*⁵⁵:

Քաղաքական հարցերն, ամենայն հավանականությամբ, քննելու էր Խոյապը, իսկ Ռէ գավառի մոգպետ Պերոզը անցկացնելու էր դատավարությունը:

Յավոք, այլ փաստեր չկան Նատո Դրովանդական պաշտոնյայի մասին: Կարող ենք միայն ենթադրել, որ նա ինչ-որ կապ է ունեցել Սեբեոսի հիշատակած Դ/Դրովանդականի բերդի հետ⁵⁶: Դատելով պատմիչի տվյալներից՝ կարող ենք եզրակացնել, որ այս բերդը եղել է նաև բանտ, ուստի ամենևին բացառված չէ, որ Նատո Դրովանդականը, լինելով բանտային պաշտոնյա, նույնպես ներկայացրել է դատաիրավական համակարգը:

Պատվիրակության բարձրաստիճան կազմը և լիազորությունները թույլ են տալիս եզրակացնել, որ նրանք ամենևին էլ չէին եկել Հայաստան միայն Հիզտբուզիտի դատավարությունը անցկացնելու: Այս մասին ուղղակի նշվում է նաև վկայաբանության մեջ. *«Որք եկեալ ի Հայս բազում ուղղութիւնս արարին»*⁵⁷: Ըստ ամենայնի, նման «ուղղություններից» է եղել նաև Դվինի ժողովի վերաբերյալ քննարկումների ծավալումը, ինչը մեծ կարևորություն է ունեցել պարսից տերության համար:

Գաղտնիք չէ, որ Խոսրով I-ը ձգտում էր իր վերահսկողությունը սահմանել պարսից տերության քրիստոնեական համայնքների նկատմամբ: Նրա անմիջական ազդեցությամբ է ընթացել Իրանի քրիստոնյաների կաթողիկոսի ընտրությունը 552 թ., որտեղ նա նույնիսկ առաջադրել էր իր բժշկի թեկնածությունը:

⁵⁵ Ներսէս Ռաժիկ 2004, 463:

⁵⁶ Սեբեոս 2005, 476–477:

⁵⁷ Սեբեոս 2005, 476–477:

Հիզուրուզիտի վկայաբանության պատմականությունը

նր⁵⁸: Ըստ որոշ աղբյուրների՝ այս արքան դրական վերաբերմունք է ունեցել քրիստոնեական եկեղեցու նկատմամբ⁵⁹: Սերբոսը, ոգևորված նման տեղեկություններից, նույնիսկ նշել է, թե պարսից արքան կյանքի վերջին տարիներին քրիստոնեություն է ընդունել⁶⁰: Բնականաբար, քրիստոնյաների նկատմամբ մեղմ վերաբերմունքը ունեցել է քաղաքական նպատակներ⁶¹: Հարկ եղած դեպքում Խոսրով Անուշիրվանը չի հապաղել՝ պատժելու քրիստոնյաներին: Այս մասին խոսում են այն փաստերը, որ Բյուզանդիայի դեմ պատերազմների, ինչպես նաև հակակառավարական ապստամբություններին աջակցելու ժամանակ քրիստոնյաները ենթարկվել են հաշվեհարդարի ու բռնությունների⁶²:

Եկեղեցական ժողովներում Խոսրով Անուշիրվանի ուղղակի ներգրավվածության մասին է վկայել է Կ. Պոլսի Փոտ պատրիարքը (IX դ.) Հայոց կաթողիկոս Զաքարիա Ա Ձագեցուն (855–877 թթ.) գրած իր նամակում: Ըստ պատրիարքի՝ հայերը քաղկեդոնականությունից հեռացել են Խոսրով Անուշիրվանի ցանկությամբ և պահանջով: Պարսից արքան այնքան գոհ է եղել հայոց եկեղեցու դիրքորոշումից, որ նույնիսկ իր որդու խնամքը հանձնել է Հայոց կաթողիկոսին: Միևնույն ժամանակ Հայաստանի հարկահանության գործը նույնպես վստահվել է վերջինիս. «Մի բնութիւն աւանդեցին Քրիստոսի աստուածութեանն եւ մարդկութեանն եւ զխաչեցարդ եղին յերիս սրբասացութիւնսն հակառակ կարծելով ժողովոյն Քաղկեդոնի եւ հնգից հայրապետացն. եւ ի Յունաց նզովիք չափ ի զարկացին ի հաղորդութենէ: Ընդ որս եղել Պարսից թագաւորն, ընդ որոշելն Հայոց ի ձեռնադրութենէն Հռոմոց. եւ **գովեալ զՆերսէս եւ զյառաջ խոստացեալ դաշինսն կապարեաց զորդին տալով նմա յորդեգիրս եւ զՀայաստան աշխարհի զհարկսն ի նա հաւաքաց եւ յեպիսկոպոսունսն հաւանեալս ընդ նմա**»⁶³:

Հավանաբար, Փոտ պատրիարքը այս տեղեկությունները ձեռք է բերել հայ քաղկեդոնականների կողմից գրված որևէ երկից, որը նրան կարող էին տրամադրել նաև ազգությամբ հայ հոգևորականները⁶⁴:

Պատրիարքի նամակն ինքնին ունեցել է կրոնական, դավանաբանական բովանդակություն⁶⁵, ինչը ամենևին չի ստվերում Խոսրով Անուշիրվանի միջա-

⁵⁸ Zoubery 2017, 128.

⁵⁹ Ասորական աղբյուրներ 1976, 440:

⁶⁰ Սերբոս 2005, 472:

⁶¹ Мишин 2014, 447–464.

⁶² Мишин 2014, 452–453, 459–460.

⁶³ Թուղթ Փոտայ պատրիարքի առ Զաքարիա կաթողիկոս Հայոց Մեծաց 1968, 69–70:

⁶⁴ Անանեան 1992, 27:

Ազատյան Շ.

մտության մասին տեղեկությունները և եղած փաստերը, հետևաբար, համապատասխանում են իրականությանը:

Արսեն Սափարացին ևս հստակ տեղեկություններ է փոխանցել այն մասին, որ հենց պարսից արքունիքի հարկադրանքով է տեղի ունեցել Դվինի Բ ժողովը⁶⁶: Համաձայն այս պատմագրի տվյալների՝ Հայոց կաթողիկոս Ներսես «Միջին»-ը պարսից Պերոզ արքայի (459–484 թթ.) հարկադրանքով ժողով է գումարել Դվինում և ընդունել է հակոբիկյան դավանանքը՝ դադարեցնելով եպիսկոպոսներին Կեսարիա՝ ձեռնադրության ուղարկելը. *«Իսկ թագավորը (Պերոզ – Շ.Ա.) նորից այլ նենգության դիմեց և հայտնեց իր վճիռը [հայերին] հոյներից բաժանելու մասին և՛ վերադարձնելով դեսպաններին՝ [առաջարկեց] անել երկուսից մեկը. «Կամ ընտրեցեք ասորական բոլոր կրոններից որևէ մեկը, բացի մեքիսդներինը, որոնք կրոնով հոյն են, կամ թողեք ձեր երկիրը և հեռացեք մեզանից»:*

Եվ ժողով գումարեցին քաղաք Դվինում, ուր և ընդունեցին «Խաչեցարը»... և այսու հեռացան ուղիղ և ճշմարիտ դավանությունից և օտարացան սուրբ և մեծ առաքելական կաթողիկե եկեղեցուց:

*Հայքն հրաման ստացավ պարսից թագավորից, որ իրենց եպիսկոպոսները իրենք ձեռնադրեն»*⁶⁷:

Արսեն Սափարացու հիշատակությունից տեսնում ենք, որ խոսքը կաթողիկոս Ներսես Բ-ի՝ Դվինի Բ ժողովը կազմակերպողի մասին է, մինչդեռ նշվում է, որ պարսից արքան եղել է Պերոզը, ինչը ակնհայտ շփոթմունքի արդյունք է: Հայտնի փաստ է, որ Դվինի Բ ժողովի ընթացքում Սասանյան Իրանում թագավորել է Խոսրով Անուշիրվանը, և, բնականաբար, խոսքը վերաբերել է հենց նրան: Վերջինս բյուզանդացիների դեմ երկարատև պատերազմի (541–557 թթ.)⁶⁸ պայմաններում տարբեր քայլերով փորձել է խաթարել հայ-բյուզանդական հարաբերությունները և վերահսկել Հայաստանի ներքին կյանքը:

Ահա այս համատեքստում կարող ենք եզրակացնել, թե ինչու էին Հայաստան եկել և ինչ մտադրություններ ունեին Խոսրով արքայի պատվիրակները: Նրանց գլխավոր առաքելությունը ոչ միայն Հիզուբուզիտին մահապատժի ենթարկելն էր, այլև Դվինի Բ ժողովի աշխատանքներին մասնակցելը: Նրանց

⁶⁵ Անանեան 1992, 18–22:

⁶⁶ Garsoian 1985, 237.

⁶⁷ Մելիքսեթ-Բեկ 2013, 35–37:

⁶⁸ Daryaee 2009, 31.

Հիզտբուզիտի վկայաբանության պատմականությունը

գործողությունները միտված էին Հայաստանում պարսից տերության դիրքերի ամրապնդմանը և հակաքաղկեդոնական տրամադրությունների խորացմանը:

Սասանյան Իրանի դատաիրավական համակարգը ըստ վկայաբանության

Հիզտբուզիտի վկայաբանությունը արժեքավոր տեղեկություններ է հաղորդել Սասանյան Իրանի **դատական համակարգի** մասին: Կարող ենք կարծել, որ հավատարացների դատավարությունը Սասանյան տերության համար ունեցել է կարևոր նշանակություն, քանի որ անմիջապես վերաբերել է պարսից կրոնի ամրությանը և ճշմարտացիությանը: Բարձրաստիճան մոգի հավատափոխության օրինակը վտանգավոր կարող էր լինել շարքային հավատացյալների համար: Անհրաժեշտ էին դատական արտակարգ միջոցառումներ:

Ըստ վկայաբանության տվյալների՝ Հիզտբուզիտի գործը քննող մարզպանները եղել են աշխարհիկ դատավորներ, սակայն իրավունք չեն ունեցել մահապատիժ կիրառել մոգերի նկատմամբ: Նրանք կարող էին միայն բանտարկել կամ կտտանքների ենթարկել նման անձանց. «*Եւ ածեալ զնա առաջի՝ ասէ դաւրաւորն (Նիխորականը – Շ.Ա.) Այ թշուառական, ընդէ՞ր զհայրենի մոգութիւնս թողուս, եւ յիմար եւ ուխտակորոյս լինիս:*

*Եւ զայրացեալ իշխանն՝ հրամայեաց հարկանել զերանելին երկուրասան կրկին»*⁶⁹: Կարող ենք ենթադրել նաև, որ դատական նիստերը անցկացվել են առանձին դատարանում («**ատեան**»): «*Եւ նստեալ (Նախապետը – Շ.Ա.) յայրենի՝ ածին զերանելին Մախոշ առաջի նորա*»⁷⁰:

Վկայաբանությունից հայտնի է դառնում նաև, որ դատավոր-մարզպաններին օգնել են **ատենադպիրները**: Կարող ենք կարծել, որ այս պաշտոնյաները, ի տարբերություն սովորական դպիրների, որոնք զբաղվել են տարբեր փաստաթղթեր կազմելով և փոխանցելով⁷¹, օժտված են եղել նաև հարցաքննություններ անցկացնելու և նույնիսկ պատիժներ կիրառելու լիազորություններով: Այս հանգամանքը պարզորոշ տեսնում ենք հետևյալ դրվագից. «*Դպիր ոմն տորա երթեալ ի բանտն՝ հնարէր պատրել զերանելին. ասէ ցնա. Քեզ միայն Արեաց աշխարհն չեղեւ բաւական, զի մոլորեալ ես ի մոգութենէ, անձամբ զքեզ գերի վարելով առ հասարակ յաշխարհէ եւ ի դենէ մոլորեալ:*

⁶⁹ Ներսէս Ռաժիկ 2004, 462:

⁷⁰ Ներսէս Ռաժիկ 2004, 462:

⁷¹ Daryae 2009, 33.

Ազատյան Շ.

Եւ լուեալ զայս **աւրենադպրին**՝ յորն յարեաւ ցասմամբ, եւ սկսաւ հարկանել զնա բրով անողորմ»⁷²:

Ըստ վկայաբանության տվյալների՝ դատական համակարգի մասն են կազմել նաև **դահճապետերը**, որոնք ի կատար են ածել մահապատիժները. «Եւ ի վաղին եկեալ հաւաքարհմքն երթեալ ի բանսն ածել զսուրբսն. եւ եկեալ **դահճապետն** ի բանսն՝ տանել, եւ նա հրաժարեալ յեղբարցն գնայր»⁷³:

Մոգերի առաջնորդ համարկարը չի ունեցել դատական իշխանություն և առհասարակ ներգրավված չի եղել դատական գործընթացում, չնայած Սասանյան Իրանում գործել են նաև հոգևոր դատարաններ⁷⁴: Կարող ենք ենթադրել, որ Խոսրով Անուշիրվանը ծայրամասային երկրամասերում կիրառել է հավասարակշռման քաղաքականություն՝ համարկարի իշխանությունը սահմանափակելով մարզպանների դատական իշխանությամբ:

Վկայաբանության տվյալների համաձայն՝ մահապատժի վճիռ կարող էին ընդունել միայն արքայի լիազորած պատվիրակները. այս դեպքում նման որոշում է ընդունել է մոգպետ Պերոզը. «Եւ յաւուր միում **հրապարակաժողով** արարեալ՝ նսրէին յարենի յաղագս հրամանին արքունի:

Ի նմին ժամու արք ամպարիշտք զգացուցին իշխանացն եւ ասեն. են արք երեք ի բանսի, որոց զմեր պաշտաւնն թողեալ եւ զքրիստոնեոթին են յանձն առեալ, Ներսէս ոմն Ռաժիկ, եւ Սահակ ոմն յԱրապատականէ, եւ Յիզպրուզիար Պարսիկ:

Եւ զարուցեալ զնոսա՝ ասէ (մոգպետ Պերոզը – **Շ.Ա.**) ցՅիզպրուզիար. Ա՛յ թշուառական, ընդէ՛ր զլուսաւոր դենն թողեր եւ նսեմաւոր քրիստոնեոթան հաւարացեր, եւ դարձեալ ստիպելով զոհեալ քո հրոյ»⁷⁵:

Այսպիսով, կարող ենք ասել՝ դատական նիստը կրել է հանդիսավոր բնույթ. անցկացվել է հրապարակաժողովում, որտեղ ներկա են եղել Խոսրով Անուշիրվանի երեք պատվիրակները, մահապարտներն ու բազմությունը:

Այս դատավարության ընթացքում տեսնում ենք, որ Սասանյան օրենքները հստակ տարբերություններ են դրել քրիստոնեություն ընդունած հպատակների միջև: Մանկուց քրիստոնեության հետևողները մահապատժի չեն ենթարկվել. «Ասէ մոգպետն ցՆերսէս. Ընդէ՛ր եղեր քրիստոնեայ: Ասէ երանելին. Մայր իմ քրիստոնեայ էր, եւ **ի տղայութեանն** էի հաւարացեալ ի Քրիստոս, չգիտեմ

⁷² Ներսէս Ռաժիկ 2004, 462–463:

⁷³ Ներսէս Ռաժիկ 2004, 464:

⁷⁴ Периханян 1983, 266–267.

⁷⁵ Ներսէս Ռաժիկ 2004, 463:

Հիզուբուզիտի վկայաբանության պատմականությունը

բնաւ զձեր դենդ: Հարցեալ եւ ընդ Սահակ. եւ նա ասէ. **Ի տղայութեանն լեալ էի քրիստոնեայ**»⁷⁶: Նման դրվագի հանդիպում ենք նաև Եվստաթիոսի վկայաբանության մեջ, երբ այս վկայի ընկերակիցներից Ստեփանը նույնպես փրկվել է մահապատժից, քանի որ մանկուց եղել է քրիստոնյա և մեծացել քրիստոնյաների ընտանիքում. «Եվ վեր կացան ասորիների գլխավորները և Ստեփանի մասին ասացին. «Մենք գիտենք այս մարդուն՝ մեր գյուղից է, իր հայրը, մայրը, եղբայրները և քույրերը քրիստոնյա են և **ինքն էլ է քրիստոնյա**»: Եվ Ստեփանին նրանց բառերի համաձայն ազատեցին»⁷⁷:

Չնայած նման ուշագրավ վկայություններին՝ դժվար է պնդել, որ Ներսես Ռափկն ու Սահակ Ատրպատականացին անմիջապես ազատ են արձակվել, քանի որ «Սասանյան դատաստանագիրք»-ը այս դեպքում ազատություն չի նախատեսել մեղադրյալների համար. «Մարդը, ում ազատագրվածն պատճառները հայտնի են, սակայն դատավորը նրան հարցաքննում է այլ գործի շրջանակներում և պարզում, որ նա անմեղ է, միևնույնն է, իրավակարգից ելնելով՝ չի կարող ազատել բանտից»⁷⁸:

Այս ամենից կարող ենք հետևություն անել, որ V դ. և ընդհուպ մինչև Խոսրով Անուշիրվանի կառավարման առաջին տասնամյակը⁷⁹ պարսից արքունիքը զգուշացել է խիստ օրենքներ ընդունելուց ընդդեմ դավանափոխ մոգերի, ինչը կարող էր վտանգավոր հետևանքներ ունենալ: Հիզուբուզիտի վկայաբանության տվյալներից կարող ենք եզրակացնել, որ զգալով հավատափոխության սպառնալիքները՝ հետագայում սահմանվել են խիստ պատիժներ: Նմանատիպ պատիժներից էր նաև «մահացու մեղքի» օրենքը: Ըստ այս օրենքի՝ բոլոր այն զրադաշտականները, որոնք հրաժարվել են մասնակցելուց կրոնական ծեսերի, ենթարկվել են խիստ պատիժների՝ ընդհուպ մահվան⁸⁰: Հայտնի է, որ Հիզուբուզիտը նույնպես հրաժարվել է մասնակցել զրադաշտական տոնակատարության, ուստի չենք կարող բացառել, որ նրա նկատմամբ կիրառված մահապատիժը եղել է հենց այս օրենքի շրջանակներում:

Որոշակի հետաքրքրություն են ներկայացնում նաև քրիստոնեություն ընդունած պարսիկներին պատժելու ձևերը: Հավատարաց Հիզուբուզիտի **մազերն ու մորուքը** կտրել են, որովհետև դրանք համարվել են զրադաշտական

⁷⁶ Ներսես Ռափկ 2004, 463:

⁷⁷ ԳՅԹ. ԵՅՏԹԻՍ ԹԱՐԾՅՈՒԼՈՒԹ 2008, 252.

⁷⁸ **Периханян** 1973, 349.

⁷⁹ **Мишин** 2014, 458–459.

⁸⁰ **Периханян** 1983, 258–259.

հավատացյալի կերպարի կարևոր բաղկացուցիչներ. «Եւ զայրացեալ իշխանն՝ հրամայեաց հարկանել զերանելոյն երկոտասան կրկին, եւ կտրեալ զմարտուն եւ զհերս», «հարկանէին զգլուխ երանելոյն եւ **զմարտուն խլեալ արմատաքի**»⁸¹: «Սասանյան դատաստանագիրք»-ը նույնիսկ հատուկ տուգանք էր սահմանել դրանք կտրողների համար⁸²: Այսպիսի դրվագներ կարող ենք տեսնել նաև Եվստաթիոսի վկայաբանության մեջ. «Սափրեք դրանց (Եվստաթիոսի ու ընկերների – **Շ.Ա.) գլուխն ու մորուքը** և ծակեք դրանց քթերը»⁸³: Նման պատիժները տարածված են եղել ոչ միայն Եվստաթիոսի և Հիզդութուզիտի ժամանակներում: Այսպիսի տույժերի մասին տեղեկություն պահպանվել է նաև Դավիթ Դվնեցու վկայաբանության մեջ. «խոշորանգել պէսպէս կտրանաւք և հարուածուվք, և քարշմամբք **փետրել զհերսն և զմարտուն** առ ի հրապտրել զնա ի դեն մոլորութեան իւրեանց»⁸⁴:

Եզրակացություն

⁸¹ **Периханян** 1983, 462, 463.

Հիզուրուզիտի վկայաբանության պատմականությունը

ու կրոնական վերնախավի, Հայաստանի հետ դրանց ունեցած հարաբերությունների, ինչպես նաև զրադաշտական կրոնի մասին:

ՄԱՏԵՆԱԳԻՏՈՒԹՅՈՒՆ

Ակինեան Ն. 1910, Կիրիոն կաթողիկոս Վրաց, Վիեննա, Մխիթարեան տպ., ԻԷ+315:

Աճառյան Հ. 1977, Հայերեն արմատական բառարան, հ. Գ, Երևան, ԵՊՀ հրատ., 645 էջ:

Անանեան Պ. 1992, Զաքարիա Հայոց Կաթողիկոսի եւ Աշոտ իշխանաց իշխանի թղթակցություններ Փոտ պատրիարքի եւ Նիկողայոս Ա. Պապի հետ, Վենետիկ, տպ. Ս. Ղազար, 105 էջ:

Անանեան Պ. 1957, Պատմական յիշատակարան մը Դուինի Բ. Ժողովքի մասին, Բազմավեպ, թիվ 5-6, տպ. Ս. Ղազար, 296 էջ:

Անանեան Պ. 1991, Քննություն հայ եկեղեցու պատմության Ե եւ Զ դարերու շրջանին, Վենետիկ, տպ. Ս. Ղազար, 130 էջ:

Ասորական աղբյուրներ 1976, հ. Ա, թարգմանություն բնագրից, առաջաբան և ծանոթագրություններ Մելքոնյան Հ., Օտար աղբյուրները Հայաստանի և հայերի մասին, հ. 8, Երևան, ԳԱ հրատ., 478 էջ:

Բաբգեն կաթողիկոս Որմսեցի 2004, [Ա] թուղթ Հայոց ի Պարսս, առ ուղղափառս, «Մատենագիրք Հայոց», հ. Գ, Անթիլիաս-Լիբանան, տպ. Կաթողիկոսության Հայոց Մեծի Տանն Կիլիկիոյ, 561 էջ:

Բաբգեն կաթողիկոս Որմսեցի 2004, Բ թուղթ Հայոց ի Պարսս, առ ուղղափառս, «Մատենագիրք Հայոց», հ. Գ, Անթիլիաս-Լիբանան, տպ. Կաթողիկոսության Հայոց Մեծի Տանն Կիլիկիոյ, 561 էջ:

Բադալյան Հ. 1976, Հայոց տոմարի պատմություն, Երևան, ԳԱ հրատ., 153 էջ:

Բադալյան Հ. 1970, Օրացույցի պատմություն, Երևան, ԳԱ հրատ., 562 էջ:

Բարթիկյան Հ. 2002, “Narratio de rebus Armeniae”, հունարեն թարգմանությամբ մեզ հասած մի հայ-քաղկեդոնական սկզբնաղբյուր, Հայ-բյուզանդական հետազոտություններ, հ. I, Երևան, ԵՊՀ հրատ., 822 էջ:

Թուղթ Փոտայ պատրիարքի առ Զաքարիա կաթողիկոս Հայոց Մեծաց 1968, Հանդես ամսօրեայ, թիվ 1-2, Մխիթարեան տպ., էջ 512

Կիրակոս Գանձակեցի 1961, Պատմություն Հայոց, աշխատասիրությամբ Կ. Մելիք-Օհանջանյանի, Երևան, ԳԱ հրատ., 426 էջ:

Հարությունյան Բ. 1981, Փայտակարան քաղաքը և նրա տեղադրությունը, Լրաբեր հասարակական գիտությունների, թիվ 12, ԳԱ հրատ., 112 էջ:

Մելիքսեթ-Քեկ Լ. 2013, Վրաց աղբյուրները Հայաստանի և հայերի մասին, Գիրք Ա, Երևան, ԵՊՀ հրատ., 788 էջ:

Մովսես Խորենացի 2003, Պատմություն Հայոց, «Մատենագիրք Հայոց», հ. Բ, Անթիլիաս-Լիբանան, տպ. Կաթողիկոսության Հայոց Մեծի Տանն Կիլիկիոյ, էջ 1289-2601:

Յակոբեան Ա. 2011, «Գահնամակ ազատաց եւ տանուտէրանց Հայոց» եւ «Զաւրանամակ», Բազմավեպ, թիվ 3-4, տպ. Ս. Ղազար, 698 էջ:

Յովհաննէս Դրասխանակերտցի 2010, Պատմություն Հայոց, «Մատենագիրք Հայոց», հ. ԺԱ, Անթիլիաս-Լիբանան, տպ. Կաթողիկոսության Հայոց Մեծի Տանն Կիլիկիոյ, 795 էջ:

Ազատյան Շ.

- Ներսէս Ռաժիկ** 2004, Վկայաբանություն սրբոյն Յիզտիբուզտեայ, «Մատենագիրք Հայոց», հ. Գ, Կաթողիկոսութեան Հայոց Մեծի Տանն Կիլիկիոյ, Անթիքիաս-Լիբանան, 561 էջ:
- Սեբէոս** 2005, Պատմություն, «Մատենագիրք Հայոց», հ. Դ, Անթիքիաս-Լիբանան, տպ. Կաթողիկոսութեան Հայոց Մեծի Տանն Կիլիկիոյ, 791 էջ:
- Ստեփանոս Տարանեցի** 2010, Պատմություն Տիեզերական, «Մատենագիրք Հայոց», հ. ԺԵ, Անթիքիաս-Լիբանան, ԵՊՀ հրատ., 894 էջ:
- Տեր-Դավթյան Ք.** 2011, Հայկական սրբախոսություն, Երևան, «Նաիրի» հրատ., 423 էջ:
- Տեր-Ղևոնդյան Ա.** 2003, Հայոց իշխան տիտղոսի ծագումը և Հայոց տերությունը VII դարում, Հոդվածների ժողովածու, Երևան, ԵՊՀ հրատ., XV+697 էջ:
- Տեր-Ղևոնդյան Ա.** 2003, Քուստ-ի Կապկոի վարչական միավորի վերապրուկները խալիֆայության ժամանակ, Հոդվածների ժողովածու, Երևան, ԵՊՀ հրատ., էջ XV+697:
- Տեր-Մկրտչյան Գ.** 1998, Գրիգոր-Մանանդիի Ռաժիկ, Միհրան տոհմից Հայագիտական ուսումնասիրություններ, Գիրք Բ, Ա. Էջմիածին, Մայր Աթոռ Սուրբ Էջմիածնի տպ., 537 էջ:
- Քալանթարյան Ա.** 1982, Դվինի 1980 թ. պեղումների հիմնական արդյունքները, Լրաբեր հասարակական գիտությունների, թիվ 12, ԳԱ հրատ., 116 էջ:
- Քալանթարյան Ա., Ղաֆադարյան Կ.** 1990, Դվինի վաղմիջնադարյան մոնումենտալ ճարտարապետության ժամանակագրության որոշ հարցեր, Պատմա-բանասիրական հանդես, թիվ 1, ԳԱ հրատ., 244 էջ:
- աօւլաձե Ծ.** 1944. ქართული და სომხური ლიტერატურული ურთიერთობა IX–X სს., თბ., საქ. სსრ მეცნ. აკად. გამ-ბა, გვ. 275
- წმ. ევსტათის მარტვილობა** 2008, ქართული ჰაგიოგრაფიული ეგლები, თბ., ტ. I, გვ. 187.
- Boyce M.** 1979, Zoroastrians: Their Religious Beliefs and Practices, London, Boston : Routledge & Kegan Paul, XXI+ 252 p.
- Brown P.** 1982, Society and the Holy in Late Antiquity, Berkeley and Los Angeles, University of California Press, VII+347 p.
- Staat K.** 2018, Late Antique Latin Hagiography, Truth and Fiction: Trends in Scholarship, L'Antiquité Classique 87, 744 p.
- Garsoian N.** 1985, Armenia between Byzantium and the Sasanians, London, Variorum Reprints, VIII+340 p.
- Shapira Dan D.Y.** 2008, Gleanings on Jews of Greater Iran under the Sasanians (According to the Oldest Armenian and Georgian Texts), Iran and the Caucasus 12, Brill, 173 p.
- Daryaee T.** 2009, Sasanian Persia: The Rise and Fall of an Empire, London-New York, I.B.Tauris & Co Ltd., 248 p.
- Vacca A.** 2013, From K'usti Kapkoh to Al-Ġarbī: Sasanian Antecedents, the Sectarian Milieu, and the Creation of an Islamic Frontier in Armīniya, The University of Michigan, VII +334 p.
- Zoubery J.** 2017, The Role of Religion in the Foreign Affairs of Sasanian Iran and the Later Roman Empire (330–630 A.D.), Historia i Świat, 6, Instytut Historii i Stosunków Międzynarodowych Uniwersytetu Przyrodniczo-Humanistycznego w Siedlcach, 162 p.
- Бибииков М.** 1996, Историческая литература Византии, СПб., изд. «Алетейя», с. 315
- Дашков С.** 2008, Цари царей-Сасаниды, Москва, СМИ-Азия, 356 с.

Мишин Д. 2014, Хосров I Ануширван (531–579), его эпоха и его жизнеописание поучение в истории Мискавейха, Москва, ИВ РАН, 696 с.

Периханян А. 1983, Общество и право Ирана в Парфянский и Сасанидский периоды, Москва, изд. «Наука», 383 с.

Периханян А. 1973, Сасанидский судебник, Ереван, изд. АН Армянской ССР, 609 с.

Хуршудян Э. 2003, Армения и Сасанидский Иран, Алматы, Print-S Publ., 474 с.

Хуршудян Э. 2015, Государственные институты парфянского и сасанидского Ирана, Алматы, изд. «Институт Азиатских исследований», 400 с.

ИСТОРИЧНОСТЬ МАРТИРОЛОГИИ ИЗТБУЗИТА

АЗАТЯН Ш.

Резюме

Ключевые слова: *агиография, Сасанидский Иран, амаркар, марзпанская Армения, зороастризм, иностранные святые, Двин.*

Мартирология Изтбузита – одно из важнейших литературных произведений армянской агиографии, содержащее исторические данные о марзпанской Армении и Сасанидском Иране.

Сохранились памятные данные об административных районах Армении, её политической и экономической жизни. Особую ценность представляют сведения, касающиеся общественной и религиозной жизни раннего средневековья, в частности, сведения о Втором Двинском Соборе (553–555), который оказал огромное влияние на общественную и религиозную жизнь Армении на протяжении всего средневековья.

Наиболее подробные сведения сохранились об иранской административной системе, которые вносят поправку в даты управления азарапетов, марзпанов, амаркаров.

Имеются также важные упоминания о Сасанидском Иране, в частности, сведения о судебной системе, политических и религиозных отношениях с Арменией. Данные же, касающиеся зороастризма, расширяют наши знания об этой религиозной системе и ее обрядах.

Помимо сказанного приводятся сведения о дворянских семьях Сасанидского Ирана, находившихся в тесной связи с марзпанской Арменией и занимавших там высокие посты.

HISTORICAL VALUE OF MARTIROLOGY OF HIZTBUZIT

AZATYAN SH.

Summary

Key words: *Hagiography, Sasanian Iran, Amarkar, Armenia of Marzpanate, Zoroastrianism, Foreign Saints, Dvin.*

Martyrology of Hiztbuzit is an important literary work of Armenian Hagiography that has multidisciplinary historical knowledge about Armenia of the Marzpanate period and the Sasanian Empire.

There are many remarkable data about administrative, economic and political system of Armenia in the Early Middle Ages. Especially important information on the Second Council of Dvin (553–555) that had a great influence on social and religious life of Armenia during the Middle ages. Multiple data have been preserved about the Iranian administration, amending the dates for the governance of the azarapetes, marzpanes and amarkares.

Ample and unique evidence also exists on the number of high-ranking Sasanian tribes in Iranian juridical, political and tax system of the Sasanian Empire. The data on Zoroastrian religion elucidates its essence in terms of religious rituals. Moreover, the article also dwells upon the nobility of Sasanian Iran that was closely connected with Armenia, occupying leading positions there.